

- 2017թ. օգոստոսի 23-25-ը նախարարի տեղակալը գտնվել է Ղազախստանի Հանրապետությունում, մինչդեռ աշխատաժամանակի հաշվարկման տեղեկագրում կատարվել է նրա ներկայությունը հավաստող նշում:
- Համատեղության կարգով աշխատողների աշխատաժամանակի հաշվարկման տեղեկագրերում կատարվել է ոչ ճիշտ նշում: Օրինակ՝ օրական փաստացի աշխատած 12 ժամի փոխարեն մի դեպքում նշվել է 8, մեկ այլ դեպքում 16 ժամ: Բացի այդ, համատեղության կարգով վարորդ-առաքիչների համար չի պահպանվել նաև Աշխատանքային օրենսգրքի 139-րդ հոդվածի 5-րդ մասի պահանջը՝ ամենօրյա աշխատաժամանակի թույլատրելի տևողությունը:

Աշխատաժամանակի հաշվարկման տեղեկագրերը որոշ դեպքերում լրացվել են ոչ ճիշտ:

Աշխատաժամանակի հաշվարկման տեղեկագրերը որոշ դեպքերում լրացվել են ոչ ճիշտ նաև Շուկայի վերահսկողության տեսչական մարմնում: Այսպես՝ 2017թ. հունիսի 29-30-ը տեղեկագրում մարմնի ղեկավարի ներկայությունը հավաստող նշում է

կատարվել, այն դեպքում, երբ վերջինս հունիսի 28-30-ը գտնվել է Ռուսաստանի Դաշնության Մոսկվա քաղաքում: Իսկ 2018թ. աշխատաժամանակի հաշվարկման տեղեկագրում համատեղության կարգով աշխատողների օրական փաստացի աշխատած 12 ժամը նշվել է 16 ժամ:

«Էներգետիկ ծառայություններ» հոդվածով 2017-2018թթ. նախատեսվել է համապատասխանաբար՝ 55,979.1 հազ. դրամ և 59,150.9 հազ. դրամ: Փաստացի ծախսը 2017թ. կազմել է 53,082.7 հազ. դրամ (այդ թվում՝ էլեկտրաէներգիա 46,488.6 հազ. դրամ, բնական գազ 6,594.1 հազ. դրամ), 2018թ.՝ 38,070.1 հազ. դրամ (այդ թվում՝ էլեկտրաէներգիա 27,134.4 հազ. դրամ, բնական գազ 10,935.7 հազ. դրամ):

Էներգետիկ ծառայությունների դիմաց վճարումները կատարվել են չպահպանելով սահմանված ժամկետները, ինչի հետևանքով վճարվել է 452.8 հազ. դրամի տույժ:

2017-2018թթ. մի շարք դեպքերում, էլեկտրաէներգիայի ծառայությունների դիմաց վճարումները կատարվել են չպահպանելով սահմանված ժամկետները, ինչի հետևանքով վճարվել է տույժ՝ 2017թ. 206.1 հազ. դրամ,

2018թ. 109.7 հազ. դրամ:

Նախարարությունը 2018թ. էլեկտրաէներգիայի ծառայությունների գծով ունեցել է 1,932.1 հազ. դրամի գերավճար:

Բնական գազի դիմաց վճարումները ևս կատարվել են չպահպանելով սահմանված ժամկետները, ինչի հետևանքով վճարվել է տույժ 2017թ.՝ 90.1 հազ. դրամ, 2018թ.՝ 46.9 հազ. դրամ: Բնական գազի գծով կրեդիտորական պարտքը կազմել է 411.8 հազ. դրամ:

«Կապի ծառայություններ» հոդվածով պլանավորված և փաստացի կատարված ծախսերի հարաբերակցությունը թույլ է տալիս եզրահանգելու, որ վերոնշյալ ծախսի գծով պլանավորումը կատարվել է ոչ ճիշտ, ինչի հետևանքով նախատեսվել են ավելի գումարներ: Մասնավորապես՝ 2017թ. նախատեսվել է 14,495.5 հազ. դրամ, փաստացի ծախսը կազմել է 7,678.4 հազ. դրամ, իսկ 2018թ. նախատեսվել է 10,930.8 հազ. դրամ, փաստացի ծախսը կազմել է 6,756.3 հազ. դրամ:

Պետական բյուջեից 2017-2018թթ. ներքին գործուղումների համար նախարարությանը (ներառյալ Շուկայի վերահսկողության պետական տեսչությանը) նախատեսվել է հատկացնել յուրաքանչյուր տարի 7,434.2 հազ. դրամ, փաստացի ծախսը 2017թ. կազմել է 3,411.6 հազ. դրամ, 2018թ.՝ 2,815.5 հազ. դրամ: Զբոսաշրջության պետական կոմիտեին նույն նպատակով 2017-2018թթ. յուրաքանչյուր տարի նախատեսվել է հատկացնել 1,000.0 հազ. դրամ, փաստացի ծախսը 2017թ. կազմել է 377.0 հազ. դրամ, 2018թ.՝ 215.6 հազ. դրամ:

Չի պահպանվել գործուղվող աշխատողին գործուղման ծախսերի հատուցումը գործուղումից առնվազն մեկ օր առաջ տրամադրելու պահանջը:

Ներքին գործուղումների նպատակով՝ 2017-2018թթ. բոլոր վճարումները կատարվել են գործուղումից հետո, ինչի հետևանքով չի պահպանվել ՀՀ կառավարության 29.12.2005թ.

թիվ 2335-Ն որոշման 9-րդ կետի համապատասխան պահանջը: Ներքին գործուղումների գերակշիռ մասը բաժին է ընկել Շուկայի վերահսկողության պետական տեսչությանը:

Ներքին գործուղումների գերակշիռ մասի գիշերակացի համար հատկացվել է սահմանվածի առավելագույն չափը (1 օրը՝ 20.0 հազ. դրամ), որի արդյունքում դիտարկված 13 գործուղումների համար հնարավոր էր տնտեսել շուրջ 425.4 հազ. դրամ:

2017-2018թթ. ընտրանքային կարգով առանձնացվել են ՀՀ 8 տարբեր մարզերի գիշերակացի փոխհատուցում ներառող թվով 13 գործուղումներ, որից հետո գործուղման հաշվետվության մեջ արտացոլված գիշերակացի գինը համեմատվել է տեղեկատվական բաց աղբյուրներում՝ booking.com և allhotels.am նշված նույն հյուրանոցների գների հետ, ինչպես նաև իրականացվել է գների հարցում

զբոսաշրջային կազմակերպությունից և կատարվել է հարցում հեռախոսազանգի միջոցով: Կատարված ուսումնասիրությունից կարելի է եզրակացնել, որ համապատասխան հաշվետվությունում և ծախսը հիմնավորող փաստաթղթերում գիշերակացի ներկայացված գները չեն համապատասխանել ՀՀ մարզերի հյուրանոցների գներին, ինչը որևէ ձևով չի հիմնավորվել: Գործուղումների գերակշիռ մասի համար որպես գիշերավարձ հատկացվել է ՀՀ կառավարության 29.12.2005թ. թիվ 2335-Ն որոշմամբ սահմանվածի առավելագույն չափը, մեկ օրը՝ 20.0 հազ. դրամ (Օրինակ՝ Լոռու մարզի Վանաձոր քաղաքի «Օջախ» հյուրանոցում համաձայն

հաշվետվության գիշերակացի 1 օրվա արժեքը 20.0 հազ. դրամ է, իսկ կատարված ուսումնասիրության համաձայն՝ 6.0 հազ. դրամ, Սյունիքի մարզի Գորիս քաղաքի «Եղևնուտ» հյուրանոցում համաձայն հաշվետվության գիշերակացի 1 օրվա արժեքը 20.0 հազ. դրամ է, իսկ կատարված ուսումնասիրության համաձայն՝ 8.0 հազ. դրամ և այլն):

Դիտարկված գործուղումների համար գիշերակացի ծախսը 820.0 հազ. դրամ է, մինչդեռ հյուրանոցների գների վերաբերյալ կատարված ուսումնասիրությունների հիման վրա արված վերահաշվարկի արդյունքում այն կազմել է 394.6 հազ. դրամ, որը 425.4 հազ. դրամով պակաս է հաշվետվություններով ներկայացված ծախսերից:

Նախարարության կարիքների համար 2017թ. իրականացված գնումների գործընթացի արդյունքում կնքվել է գնման 220 պայմանագիր՝ 116,492.9 հազ. դրամ ընդհանուր արժեքով, իսկ 2018թ.՝ 174 պայմանագիր՝ 107,716.4 հազ. դրամ ընդհանուր արժեքով:

Գնումների կազմակերպման գործընթացում հայտնաբերվել են հետևյալ անհամապատասխանությունները.

2017թ. գնումների պլանը սահմանված ժամկետներում չի հաստատվել, իսկ տեղեկագրում հրապարակվել է չհաստատված: Տարեկան հաշվետվությունը չի կազմվել և չի հրապարակվել:

2017թ. նախարարության կողմից չի պահպանվել ՀՀ կառավարության 2011թ. փետրվարի 10-ի թիվ 168-Ն որոշման 21-րդ կետի պահանջները, համաձայն որի մինչև յուրաքանչյուր տարվա փետրվարի 1-ը պատվիրատուի ղեկավարը հաստատում է գնումների պլանը և յոթ աշխատանքային օրվա ընթացքում սահմանված կարգով հրապարակում է www.gnumner.am

հասցեով ինտերնետային կայքում, սակայն պատվիրատուի ղեկավարի կողմից 2017թ. գնումների պլանը սահմանված ժամկետներում չի հաստատվել, իսկ տեղեկագրում հրապարակվել է չհաստատված փաստաթուղթ: 2017թ. արդյունքներով չի պահպանվել նաև «Գնումների մասին» ՀՀ օրենքի (ՀՕ-21-Ն) 9-րդ հոդվածի 5-րդ կետի պահանջները՝ սահմանված ժամկետներում չի կազմվել և չի հրապարակվել գնումների գործընթացի մասին հաշվետվությունը:

2017-2018թթ. նախարարության կարիքների համար ծառայությունների և ապրանքների գնումն իրականացվել է պետական բյուջեի և արտաբյուջետային միջոցների հաշվին, որոնցից յուրաքանչյուրի համար հրապարակվել է առանձին գնումների պլան: Մինչդեռ, 2017թ. ՀՀ ֆինանսների նախարարի 10.11.2013թ. թիվ 896-Ն հրամանի, իսկ 2018թ.՝ ՀՀ կառավարության 13.04.2017թ. թիվ 390-Ն որոշման 1-ին կետի 1-ին ենթակետի համաձայն, այն պատվիրատուները, որոնք ֆինանսավորվում են ինչպես պետական բյուջեից, այնպես էլ պետական կառավարման մարմինների տնօրինության տակ գտնվող արտաբյուջետային միջոցներից (ներառված է պետական բյուջեի ծախսերում և համարվում է բյուջետային միջոց), ապա վերջիններիս կարիքների համար կատարվող գնումների պլանը հաստատվում է նույն N1 հավելվածով

սահմանված ձևով: Ընդ որում, գնումների պլանը, որն իր մեջ ներառում է ինչպես պետական բյուջեի, այնպես էլ արտաբյուջետային միջոցների հաշվին կատարվող գնումները, «Գնումների մասին» ՀՀ օրենքի 5-րդ հոդվածի 1-ին մասի 9-րդ կետի համաձայն հաստատվում է ՀՀ կառավարության որոշմամբ: Միաժամանակ, գնումների երկու պլան ունենալու հետևանքով, մի շարք ապրանքների և ծառայությունների համար որպես գնման ընթացակարգ է սահմանվել Մեկ անձից գնումը, մինչդեռ միասնական պլանի առկայության պարագայում գնման գինը կգերազանցեր գնումների բազային միավորը, և կկիրառվեր գնանշման հարցման միջոցով գնում կատարելու մրցակցային ընթացակարգը:

Նախարարությունը 26,600.5 հազ. դրամի գնումներն իրականացրել է առանց գնման առարկաների գնումների պլանում առկայության:

Համաձայն «Գնումների մասին» ՀՀ օրենքի (ՀՕ-206-Ն) 14-րդ հոդվածի 4-րդ կետի գնումների պլանները հաստատվում են ըստ գնման առարկայի, քանակի, ընդհանուր գնի, գնման

ձևի: Նշված պահանջների չկատարման հետևանքով, նախարարության կողմից թե պետական բյուջեի և թե արտաբյուջետային միջոցների հաշվին հրապարակված գնումների պլաններում մի շարք հոդվածների մասով պլանը հրապարակվել է ըստ հոդվածների և չի ներառել գնման առարկաները: Միաժամանակ, 2017թ. համաձայն ՀՀ կառավարության 2011թ. փետրվարի 10-ի թիվ 168-Ն որոշման 15-րդ կետի, իսկ 2018թ՝ ՀՀ կառավարության 2017թ. մայիսի 15-ի թիվ 526-Ն որոշման 16-րդ կետի, գնման գործընթաց սկսելու համար գնման առարկան պետք է ներառված լինի գնումների պլանում: Նախարարությունը չի պահպանել վերոնշյալ օրենսդրության պահանջները և առանց գնումների պլանում գնման առարկաների առկայության 2017-2018թթ. կազմակերպել է պարբերական մամուլի և թերթերի՝ 925.0 հազ. դրամ, համակարգչային սարքավորումների պահպանման և վերանորոգման՝ 800.0 հազ. դրամ, ներկայացուցչական ծառայությունների՝ 17,537.3 հազ. դրամ, պոլիգրաֆիական արտադրանքի տպագրման ծառայությունների՝ 7,338.2 հազ. դրամ և այլ գնման գործընթացներ:

Նախարարության կողմից չի պահպանվել նաև ՀՀ կառավարության 13.04.2017թ. թիվ 390-Ն որոշման պահանջները, և տարվա ընթացքում գնումների պլանում կատարված փոփոխությունները և լրացումները տեղեկագրում հրապարակվել են առանձին, այդպիսով չպահպանելով որոշման 9-րդ կետի պահանջները՝ գնումների պլանում կատարված փոփոխությունները և լրացումները տեղեկագրում հրապարակվում են գնումների պլանի ամբողջական տեսքով:

2017թ. կազմակերպված գրասենյակային և հաշվողական սարքերի պահպանման և վերանորոգման ծառայությունների ձեռքբերման նպատակով հայտարարված ընթացակարգի գնման առարկաները գնումների պլանում չեն արտացոլվել, և ընթացակարգը կազմակերպվել է ՀՀ կառավարության 2011թ. փետրվարի 10-ի թիվ 168-Ն որոշման 15-րդ կետի պահանջը չպահպանելով: Ավելին, թվով 14 գնման